

Lepanthes Sw.

Lepanthes Barbae Schltr., nov. spec.

Epiphyticum, pusillum, usque ad 6 cm altum; rhizomate valde abbreviato, subnullo; radicibus filiformibus flexuosis, glabris; caulibus gracilibus, vaginis 5—6 subglabris, subnigris, ostio ovato-lanceolato, acuminato papilloso-ciliatis omnino obtectis, usque ad 4 cm longis, vix 1 mm diametro excedentibus; folio erecto, late ovali-elliptico, obtusiusculo, sub lente apice ipso tridentatulo, basi cuneato sensim subpetiolato-angustato, usque ad 2,5 cm longo, ad 1,5 cm lato; inflorescentiis 1—2-nis, erectis, folii dimidium paulo tantum excedentibus, pedunculo brevi, subnudo, racemo ipso dense 10—14-floro, disticho, usque ad 6 mm longo; bracteis lanceolatis, acuminatis, dorso sparsim muriculatis, ovarii pedicellum aequantibus; floribus in genere inter minores, glabris, ut videtur pallidiflavis, diaphanis, glabris, explanatis ab apice sepali intermedii usque ad apices sepalorum lateralium c. 1 cm longis; sepalis lanceolatis, acuminatis, intermedio 3-nervio, lateralibus 2-nerviis; petalis sessilibus, transversim ligulato-oblongis, partitione inferiore ligulata obtusa, superiore oblique triangulo-ovata, obtusiuscule acuminata, quam inferior duplo brevior; labello minuto, columna subduplo brevior, bipartito, partitionibus dolabriformibus, utrinque obtusiusculis, superne carinatis, basi subsagittato-cordato, ungue brevi columnae adnato; columna generis, glabra, vix 1 mm longa; ovario cum pedicello glabro, c. 3 mm longo.

Costa Rica: Vulkan Barba, um 2000 m. — A. u. C. Brade no. 1221, blühend im Januar 1909.

Eine verhältnismäßig unscheinbare Art, die wohl am besten der *L. scopula* Schltr. zur Seite gestellt wird, sich aber durch die viel kürzeren Blütenstiele und das auffallend kleine Labellum unterscheidet.